

الأسفار التاريخية

أخبار الأيام الثاني

كيف يرى الله ملوك إسرائيل؟

سفر أخبار الأيام الأول بيكرّر أحداث مكتوبة في سفر الملوك (عن ملوك يهوذا) .. لكن من وجهة نظر مختلفة: وجهة نظر ربنا في الملوك و حكمه على أعمالهم

ليه ندرس عهد قديم؟


"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اكتب عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)

i عن السفر





الصورة من موقع bibleoutlines.com

عدد الإصحاحات: 36

? ظروف الكتابة:

راجع سفر أخبار الأيام الأول

هدف السفر: ✓

راجع سفر أخبار الأيام الأول

مفاتيح فهم السفر: م

أول كلمة في السفر هي (آدم) يعني بداية الخليقة ... و آخر فقرة فيه بتتكلّم عن العودة من السبي (يعني السفر ده كأنه بيلخّص العهد القديم كلّّه)

ترتيب السفر

إصحاح 1 ل 9

ملك سليمان



ملك سليمان و التركيز على بناء و تدشين الهيكل

إصحاح 10 ل 36

ملوك يهوذا



ما بعد سليمان: ملوك يهوذا (مملكة الجنوب) فقط ... الملوك الصالحين و بركة الرب عليهم, و الملوك السيئين و عقاب الرب لهم

إصحاح 36 آية 22 و 23

ختام مفتوح




ختام كله رجاء: العودة من السبي

ملخص السفر

1: ملك سليمان

إصحاح 1 ل 9



هيكل سليمان - الدار الخارجية

● ملك سليمان (إصحاح 1 ل 9)

معظم الأحداث المذكورة في سفر ملوك الأول، و فيه تفاصيل الهيكل:

○ اتعمل من أفضل أنواع الخشب و الذهب و الأحجار الكريمة، على الرسم اللي وصفه له داود الملك

○ ناخذ بالناس معنى جميل جداً في تسمية العمودين الرئيسيين اللي شايلين الهيكل فيهم الاتكال على الله: بوعز و ياكين (يعني: الله قوّتي، و الله يثبت)

○ الدار الخارجية فيها:

1. مذبح النحاس الذي يوقدون عليه الذبائح كل يوم
2. البحر و المراحيض: عشان يغتسل فيه الكهنة و يغسلوا الذبائح

○ القدس فيه:

1. المنابر: 10 منابر من ذهب (5 على اليمين و 5 على الشمال) ... تنير بزيت نقي طول الوقت

2. مائدة خبز الوجوه: برضه 10 موائد (5 على اليمين و 5 على الشمال): كل يوم بيوضّع عليها خبز جديد (رمز للتناول)
3. مذبج البخور: اللي كان يُسْتخدَم في صلوات العهد القديم ... و المجامر كانت من الذهب

○ **قدس الأقداس** فيه تابوت العهد و عليه الكاروبين يغطيان التابوت بأجنحتهما

الأحداث المذكورة عن سليمان الملك في سفر أخبار الأيام الثاني مع سفر الملوك الأول

الشواهد	الأحداث
أخبار الأيام الثاني 1 ملوك الأول 3	سليمان يطلب الحكمة
أخبار الأيام الثاني 2 ملوك الأول 5	الاستعداد لبناء الهيكل و الاتفاق مع ملك صور على أن يرسل المواد الخام و الحكماء
أخبار الأيام الثاني 3 و 4 ملوك الأول 6 و 7	بناء الهيكل و تفاصيله
أخبار الأيام الثاني 5 و 6 و 7 ملوك الأول 8 و 9	يوم تدشين الهيكل و صلاة سليمان واستجابة الله
أخبار الأيام الثاني 8 و 9 ملوك الأول 4 و 10	انتظام الخدمة في الهيكل و زيارة ملكة سبأ لسليمان و الخير في عهد سليمان

💡 **الأجزاء في ملوك الأول 9 ل 11 اللي تتكلم عن سقوط سليمان بسبب كثرة زوجاته و ابتعاد قلبه من ربنا بسبب الرفاهية الزائدة مش مذكورة في سفر أخبار الأيام الثاني**

الآن عيناى تكونان مفتوحتين، و أذناى مصغيتين إلى صلاة هذا المكان. والآن قد اخترت و قدّست هذا البيت ليكون اسمي فيه إلى الأبد، وتكون عيناى وقلبي هناك

كل الأيام.

أخبار الأيام الثاني 7 : 15 و 16

ما أعظم ربنا في استجابته لصلاة عبده ... سليمان طلب إن عينين ربنا تكونان مفتوحتين و أذنيه مصغيتين، و ربنا قال له أنا قلبي كمان هيكون في هذا البيت
لو كان المجد ده لهيكل العهد القديم اللي فيه ذبائح حيوانية رمزية، فكم بالأكثر مجد و كرامة كنيسة العهد الجديد اللي فيها جسد ودم السيد المسيح

نتعلم إيه؟

اللي طلع به سليمان في حياته مش غناه ولا رفاهيته و شهرته ولا حتى حكمته، بل تدشينه لبית ربنا و صلاته الرائعة في هذا اليوم ... ده اللي حافظ عليه و عمل له رصيد روحي خلاه يتوب في الآخر لقا سقط، و أصبح أحد قديسي العهد القديم و كاتب ل 4 أسفار في الكتاب المقدس (الأمثال و نشيد الأنشاد و الجامعة و الحكمة)

يا رب خليني في شبابي و بداية حياتي أمشي بقلب مستقيم على كلامك و أخدم اسمك القدوس بتواضع و توبة و نقاوة قلب ... أأزن رصيد روحي زي العذارى الحكيمات

2: ملوك يهوذا

إصحاح 10 ل 36

الصورة من موقع BibleProject

- التركيز فقط على مملكة يهوذا اللي جالها كل الكهنة و اللاويين و كل الشعب اللي عايز يعبد ربنا، و بالتالي يهوذا بقي فيها بقية مقدسة بتعبد ربنا، عكس إسرائيل اللي ملكها يربعام عشان يبعد شعبها عن التفكير في الهيكل و في أورشليم، عَبد الأوثان وبنى مذابح لها ... و كان فيه خصومات و حروب بين إسرائيل و يهوذا فُعَظَم الوقت

ملخص ملوك يهوذا

الملك	الملخص	الدرس	الشواهد
رجبعام ابن سليمان	• ملك 17 سنة • انقسمت المملكة بسبب سماعه لمشورة غير حكيمة • راح كل الكهنة و اللاويين و الناس اللي تتقي ربنا إلى يهوذا لأن رجبعام ملك الشمال كان ضد ربنا • للأسف يهوذا لم تستمر مع ربنا، بل بدأ رجبعام و من بعده الشعب ينسوا و يسيبوا ربنا و شريعته • ربنا أرسل لهم شيشق ملك مصر يحاربهم ... تذللوا و تابوا، فربنا رحمهم	و لما تذلل ارتد عنه غضب الرب فلم يهلكه تماماً. و كذلك كان في يهوذا أمور حسنة ... و عمل الشر لأنه لم يهتئ قلبه لطلب الرب. (أخبار الأيام الثاني 12 : 12 و 14) رجبعام كان يعرج بين الفرقتين، شوية بيسيب ربنا و شوية بيتوب ... لكن الحكم النهائي إنه كان ملك شرير لأنه بدل ما يقود أورشليم في طريق داود و سليمان، بدأ بنزل بيها لطريق الأمم (لكن كانت لسة أورشليم فيها ناس أبرار و قريبة من ربنا)	أخبار الأيام الثاني 10 ل 12 ملوك الأول 12 و 14
أبيّا ابن رجبعام	• ملك 3 سنين • عمل أخطاء رجبعام لكن انتصر بقوة الله على جيش يربعام رغم الفارق العددي للجيشين • حاول أبيّا يرجع شعب إسرائيل عن ضلالهم و عبادتهم للأصنام و يفكرهم بالله مخّاصهم لكنهم لم يسمعوا كلامه	و هوذا معنا الله رئيساً، و كهنته و أبواق الهتاف للهتاف عليكم. فيا بني إسرائيل لا تحاربوا الرب إله آبائكم لأنكم لا تفلحون (أخبار أيام الثاني 13 : 12) أبيّا صحيح معملهش أخطاء فادحة لكنه لم يكن مستقيماً زي داود و سليمان و مكانش قائد قوي، بالتالي ماقدرش يرجع الشعب واحد تاني	أخبار الأيام الثاني 13 ملوك الأول 15

الملك	الملخص	الدرس	الشواهد
آسا ابن أبيّا	• ملك 41 سنة • كان ملك صالح و مستقيم و بداية فترته فيها سلام، حُصّن فيها مدنه • عمل نهضة دينية و توبة في الشعب • طاع الكوشيون (شُكّان كوش اللي هي إثيوبيا) عليه بجيش حوالي ضعف جيشه ... لكن آسا بإيمان كان عارف إن ربنا يقدر ينتصر حتّى بجيش قليل، و ده اللي حصل فعلاً • لكن إيمانه ضعف في آخر أيامه ب 3 خطايا: 1. لقا صعد بعشا ملك إسرائيل ليحاربه لم يتشدّد بالله بل استدعى ملك آرام 2. لقا جه حناني رجل الله يلوم آسا، بدل ما يعترف بخطيئته زي داود (لما جاله ناثنان و قال له نفس الكلمة: قد حَقَّقْتَ)، اتغاط آسا و وضع حناني النبي في السجن 3. مرض آسا بعدها (فرصة للتوبة ومراجعة النفس)، لكن برضه آسا ماستغلّهاش و لم يطلب الله	لأن عَيْنَي الرب تجولان في كل الأرض ليتشدّد مع الذين قلوبهم كاملة نحوه، فقد حَقَّقَتْ في هذا حتى إنه من الآن تكون عليك حروب. فغضب آسا على الرائي و وَضَعَه في السجن، لأنه اغتاپ منه من أجل هذا (أخبار أيام الثاني 16 : 9 و 10) الاستمرارية في الحياة الروحية مهمة جداً مع التوبة السريعة ... كُنّا نفتكر إن آسا سيرته هتبقى زي داود الملك لكن للأسف، بعد حوالي 20 سنة من النهضة الروحية نهاية آسا كانت نهاية سيئة	أخبار الأيام الثاني 14 ل 16 ملوك الأول 15
يهوشافاط ابن آسا	• ملك 25 سنة • ملك بار حُصّن يهوذا و كان عنده جيش قوي، و اهتم إنه يشيل الأوثان من كل يهوذا و أوصى الكهنة و اللاويين إنهم يعلموا الشعب الشريعة • ربنا كافئه بفترة من السلام و كرامة وسط شعبه والشعوب المحيطة • لكنه صاهر آخاب أسوأ ملوك إسرائيل و دخل معه حرب ضد آرام بدون رضا ربنا و كان هايموت لولا ستر ربنا عليه	فخاف يهوشافاط وجعل وجهه ليطلب الرب، و نادى بصوم في كل يهوذا (أخبار الأيام الثاني 20 : 3) عظمة يهوشافاط إن قلبه كان زي داود، دايماً متّكل على ربنا	أخبار الأيام الثاني 17 ل 20 ملوك الأول 22 و ملوك الثاني 3

الملك	الملخص	الدرس	الشواهد
	- لما ربنا وبّخه على خطاه، لم يتكبر بل قَبِلَ التوبيخ و أكمل إصلاحاته (عَيْنَ قضاة أُقْناء على الشعب) و فضل متمسك بربنا - غلب بالإيمان من غير ما يحارب 3 شعوب جاية تحاربه، زي ما نشوف في الكارتون ده		
يهورام ابن يهوشافاط	- ملك 8 سنين - كان متجوز بنت آخاب ملك إسرائيل الشرير ... لَهَا مَلَكٌ قتل إخوانه و مشي في طريق عبادة الأوثان زي ملوك إسرائيل - ربنا حذّره عن طريق إيليا النبي بحروب مع الشعوب اللي حواليه و مرض مميت يجيله - لكن يهورام لم يثب فهاجت الشعوب عليه و سابت يهوذا و قتلت كل ولاده إلا واحد (عشان وعد ربنا لداود) و جاله في معدته مرض مميت - و الكتاب يقول لنا إنه (دَهَبَ غير مأسوف عليه)	وسار في طريق ملوك إسرائيل كما فعل بيت آخاب، لأن بنت آخاب كانت له امرأة. وعمل الشر في عيني الرب. (أخبار الأيام الثاني 21 : 6) مهم جداً اختيار زوجة صالحة! ابن يهوشافاط الملك البار طلع شرير بسبب زوجته	أخبار الأيام الثاني 21 ملوك الثاني 8
أخزيا بن يهورام	- ملك سنة واحدة - كان ملك شرير و مشي في طريق ملوك إسرائيل و بيت آخاب بسبب أمه الشريرة عثليا - راح حرب مع ملك إسرائيل ضد ملك آرام و انهزموا فيها ... و بعدها قتله ياهو بن نمشي (قائد عسكري من إسرائيل) - بعد كده بيوصل الشر من عثليا إنها تقتل كل الولاد من نسل داود عشان تملك هي ... لكن يوشا الطفل الصغير، أخفته زوجة يهوياح الكاهن ل 6 سنين	و هو أيضاً سَلَكَ في طرق بيت آخاب لأن أمه كانت تشير عليه بفعل الشر (أخبار أيام الثاني 22 : 3) نفس الكلام بل أكثر كثيراً على الأم ... فيه أم فاضلة تقود تربيته ابنا في سكة ربنا كل أيام حياته، و أم تضيع ابنا	أخبار الأيام الثاني 22 ملوك الثاني 9 و 11

الملك	الملخص	الدرس	الشواهد
يوآش بن أخزيا	• ملك 40 سنة • بعد 6 سنين (لما يوأش أصبح صبي)، جمع يهوياح اللاويين و قادة الجيش و اتفقوا على تنويجه ملكاً ... و نجحوا فعلاً و توجوه في الهيكل وسط تأييد شعبي، و قتلوا عثليا و كهنة الأوثان و قطع يهوياح عهداً للرجوع لله • يوأش أطاع ربنا ومشى في طريقه طوال أيام حياة أبيه الروحي (يهوياح الكاهن) ... و عقر بيت ربنا وأشرك الشعب في العمل (عن طريق فكرة صناديق البركة الموجودة في الكنيسة دلوقتي) • لكن بعد موت يهوياح ابتعد عن ربنا، لدرجة إنه قتل زكريا بن يهوياح لما حاول يوبّخه ... و ربنا أرسل جيش أرام و أعطاه النصر على جيش يهوذا، و مات يوأش على يد بعض من رجاله و رحل غير مأسوف عليه	فقط يهوياح عهداً بينه و بين كل الشعب و بين الملك أن يكونوا شعباً للرب (أخبار الأيام الثاني 23 : 16) شخص آخر مؤثر جداً هو الأب الروحي ... لولا هذا الكاهن العظيم الشجاع كان بيت داود هينتهي	أخبار الأيام الثاني 23 و 24 ملوك الثاني 11 و 12
أمصيا بن يوآش	• ملك 29 سنة • بدأ بداية كويسة جداً و مشي في طريق ربنا: ماقتلش أبناء العبيد اللي قتلوا أبيه، و كمان لما طلع حرب و رجل الله قال له ماتاخدش جيش إسرائيل معاك سمع الكلام رغم الخسائر المادية ... و ربنا أعطاه انتصار غير متوقع • لكن قلبه ماكانش كامل مع ربنا و بالتالي جه الانهيار ... عبد آلهة الأدوميين رغم إنه كسبهم في الحرب، ولم يسمع لتوبيخ رجل الله ليه، و دخل حرب مالهاش لازمة مع ملك إسرائيل و خسر الحرب دي و بعد كده تأمر عليه رجاله و قتلوه	و عمل المستقيم في عين الرب، و لكن ليس بقليل كامل. (أخبار أيام الثاني 25 : 2) فيه ناس تبان أعمالها كويسة لكن قلوبها مش كاملة مع ربنا ... الناس دي لما الجو الروحي اللي حوالها يقل، تبعد عن ربنا تماماً	أخبار الأيام الثاني 25 ملوك الثاني 14
عزريا ابن أمصيا	• ملك 52 سنة	لما تشدد ارتفع قلبه إلى الهلاك و خان الرب	أخبار الأيام الثاني 26

الملوك الشواهد الثاني 15	إلههم و دخل هيكل الرب الدرس ليوقد على مذبح البخور.	الملوك الشواهد الثاني 15	الملوك
	(أخبار أيام الثاني 26 : 16) في كثير من الأحيان، السلطة والمجد الزيادة يفسد الواحد لو قلبه مش مستقيم مع ربنا	بتخاف منه و فُلكه طال • لكن للأسف ارتفع قلبه و عمل خطية كبيرة جداً لَمَّا كان عايز ياخد خدمة الكهنة و يرفع هو البخور ... الكهنة منعوه فغضب و لم يُب، ففي ساعتها ربنا ضربه بالبرص إلى آخر حياته	
أخبار الأيام الثاني 27 ملوك الثاني 15	وعمل المستقيم في عينَي الرب حسب كل ما عمل عُزِّيَّا أبوه، إلا أنه لم يدخل هيكل الرب. و كان الشعب يُفْسِدُون بعد. (أخبار أيام الثاني 27 : 2) فيه ملوك أبرار لكن مش بيقدروا يؤثروا جامد في الشعب .. يوثام كانت فترة ملكه قصيرة و خالية من المشاكل اللي هنشوفها بعد كده	• ملك 16 سنة • ملك بار و مشي في طريق ربنا لكن كان فيه مشكلة: إن الشعب كان لسه بعيد عن ربنا • رغم كده كان ملك كويس خصوصاً من الناحية الحربية، و ربنا نَجَّحه	يوثام بن عُزِّيَّا
أخبار الأيام الثاني 28 ملوك الثاني 16 إشعيا 7	لأن الرب دَلَّلَ يهوذا بسبب آحاز ملك إسرائيل، لأنه أجمع يهوذا و خان الرب خيانة ... و في ضيقه زاد خيانة بالرب الملك آحاز هذا (أخبار أيام الثاني 28 : 19 و 22) ربنا ساعات بيشجّع البعيدين عنه و يقول لهم زي ما قال للملك ده: عَقِّقْ طلبك أو رَقِّعه إلى فوق (اطلب ربنا) ... لكن للأسف فيه ناس عندها إصرار إنها مش هتطلب ربنا مهما حصل	• ملك 16 سنة • من البداية كان بعيد عن ربنا و عيد الأوثان و عَيَّر ابنه في النار زي ما كان الوثنيين بيعملوا إرضاء لآلهتهم • ربنا دفعه ليد ملك أرام اللي غلبه في الحرب و بعدها ملك إسرائيل ... لكن بدل ما آحاز يلجأ لربنا، عبد آلهة دمشق و لجأ لآشور اللي ضايقتة و ضايقت إسرائيل و يهوذا و العالم كله	آحاز ابن يوثام

الملك	الملخص	الدرس	الشواهد
حزقيا بن آحاز	• ملك 29 سنة • ملك صالح ومستقيم، وضع قلبه من بداية حكمه على تقديس الهيكل و إنه يقرب الشعب من ربنا و يرجعه ليه ثاني ... و في أسبوعين بس تم تقديس الهيكل، والشعب كمان شارك بتقديمات و ذبائح. مفاجأة كبيرة و حال مختلف تماماً عن أيام آحاز • على عكس المفاجأة اللي فاتت، حزقيا قرر يدعو إسرائيل كلها (حتى مملكة الشمال اللي وقتها بدأت تقع تحت سبي آشور) إلى عيد الفصح في أورشليم. فيه ناس قلبها كان لسة مع ربنا فقبلوا الدعوة مع شعب يهوذا. و حتى لو مُعظم الشعب و الكهنة كمان نسيوا طقس التطهير المظبوط للفصح، حزقيا ملّى من أجل كل من أخطأ في الطقس بجهل ... و ربنا سامحهم لأن فعلاً مكانتش المعرفة منتشرة في الوقت ده، و بدل ما العيد يبقى أسبوع، بقى أسبوعين كمان وسط فرح و ابتهاج و تسبيح بأعظم فصح حصل من وقت داود و سليمان • حزقيا كان فاهم إن الخدمة ماينفعش تبقى مقتصرة على موسم أو وقت واحد في السنة. بالتالي اهتم بتقديم العشور و البكور و قدّم من ماله الخاص للذبائح و التقديمات المطلوبة، عشان الكهنة و اللاويين يعرفوا يركّزوا في خدمة ربنا و مايتجاش يشتغلوا في الدنيا. و الناس اتشجعت و النزمت، و ربنا بارك في الخير اللي في البلد و استمرت الخدمة فعلاً • ربنا أعطاه انتصار عظيم على آشور ... و مرض حزقيا و ربنا شفاه بمعجزة، ثم أخطأ لقا زاره رسل من بابل و وّزاهم كل أسرار مملكته	هكذا عمل حزقيا في كل يهوذا، و عمل ما هو صالح و مستقيم و حق أمام الرب إلهه. و كل عمل ابتداءً به في خدمة بيت الله وفي الشريعة و الوصية ليطلب إلهه، إنما عمله بكل قلبه و أفلح. (أخبار أيام الثاني 31 : 10 و 21) حزقيا ملك عظيم جداً جه بعد ملك شرير جداً لكنه كان مختلف لأن قلبه كان كامل مع الله	أخبار الأيام الثاني 29 ل 32 ملوك الثاني 19 و 20 إشعياء 36 ل 39

الملك	الملخص	الدرس	الشواهد
	و بالتأكيد حزقيا هو أفضل ملك بعد داود، و الكنيسة بتعيّد بتذكّار نياحته يوم 4 مسرى		
منسى ابن حزقيا	- ملك 55 سنة - كان شرير جداً (أسوأ حتى من آحاز جده) و سُبي إلى آشور - هناك بعدما دُلّ تاب توبة عظيمة و صلى صلاة عظيمة (نقرأها في سبت النور) ... و ربنا تمجّد معاه و رجع من السبي و حكم في طريق ربنا	و لَمَّا تضايق طلب وجه الرب إلهه، و تواضع جداً أمام إله آبائه، و صلّى إليه فاستجاب له و سمع تضرّعه، و رَدّه إلى أورشليم إلى مملكته. فعلم منسى أن الرب هو الله. (أخبار أيام الثاني 33 : 12 و 13) ما أعظم التوبة اللي خلّت أكثر ملك شرير يُحسّب مع القديسين التائبين اللي نقرأ صلواتهم في الكنيسة	أخبار الأيام الثاني 33 ملوك الثاني 21 صلاة منسى
آمون ابن منسى	- ملك سنتين - كان شرير (زي منسى في بداياته) و لم يُثب - حصلت فتنة عليه و اتقتل	ولم يتواضع أمام الرب كما تواضع منسى أبوه، بل ازداد آمون إثماً (أخبار أيام الثاني 33 : 23) للأسف شر منسى و بعده عن ربنا هو اللي أثّر في ابنه ... كثير حتى لو الآباء تابوا، الأبناء يبقوا طلوعوا متعوّدين على الشر	أخبار الأيام الثاني 33 ملوك الثاني 21
يوشيا بن آمون	- ملك 31 سنة - بدأ صغير (8 سنين) ... لَمَّا بدأ يكبر، عمل إصلاحات روحية و رَقَم بيت ربنا و أزال المرتفعات و الأوثان - أثناء ترميم الهيكل لقي الكهنة سفر الشريعة، و الملك قرا و لقي إن فيه	من أجل أنه قد رَق قلبك، وتواضعت أمام الله حين سمعت كلامه على هذا الموضع وعلى سكانه، وتواضعت أمامي ومزّقت ثيابك وبكيت أمامي يقول الرب، قد سمعت أنا أيضاً.	أخبار الأيام الثاني 34 و 35 ملوك الثاني 22 و 23

الملك	الملخص	الدرس	الشواهد
	لعنات و ويلات على الشعب لو حادوا عن طريق ربنا و عبدوا الأوثان. - الملك على طول خاف و تواضع قدام ربنا و قرأ الشريعة قدام الشعب كله و قاد الشعب كله لتوبة عظيمة ... و ربنا وعد إن الشر اللي هيجي مش هايكون في أيامه لأنه خاف و تاب. - عمل فصح عظيم جداً و مضبوط تماماً من الناحية الطقسية ... و قدّم هو و الرؤساء و الكهنة تقدمات عظيمة. - بعد كده حارب ملك مصر حرب مالهاش لازمة (و من غير ما يستشير ربنا)، أُصيب فيها و مات.	هأنذا أضفك إلى آبائك فتضمّ إلى قبرك بسلام، وكل الشر الذي أجلبه على هذا الموضع وعلى سكانه لا ترى عينك (أخبار الأيام الثاني 34 : 27 و 28) ما أروع الإنسان اللي يتأثر بكلام ربنا ... ربنا أجل عقابه على الشعب من أجل هذا الملك البار	
يهوآحاز بن يوشيا	- ملك 3 شهور - بعد موت يوشيا في حرب مع فرعون، بدأت مصر تسيطر شوية على يهوذا - يهوآحاز عزله فرعون مصر و سباه	وعزله ملك مصر في أورشليم وغرم الأرض بمئة وزنة من الفضة، و بوزنة من الذهب (أخبار الأيام الثاني 36 : 3) غلطة يوشيا شبه غلطة يهوشافاط ... كلّفت ابنه	أخبار الأيام الثاني 36 ملوك الثاني 23
إلياقيم (يهوياقيم) بن يوشيا	- ملك 11 سنة - ملك مصر عيّنه ملكاً على يهوذا - كان ملك شرير و جه نبوخذ نصر ملك بابل و سباه مع بعض آنية بيت الرب (مرحلة 1#)	عليه صعد نبوخذناصر ملك بابل وقيده بسلاسل نحاس ليذهب به إلى بابل (أخبار الأيام الثاني 36 : 6) الشر زاد و أصبح لا مفرّ من السبي كتأديب للشعب و الملك	أخبار الأيام الثاني 36 ملوك الثاني 24
يهوياكين ابن يهوياقيم	- ملك 3 شهور - برضه كان شرير و حصل نفس الكلام ثاني (سباه نبوخذ نصر) مع آنية ثمينة من بيت الرب (مرحلة 2#)	كان يهوياكين ابن ثماني سنين حين ملك، وملك ثلاثة أشهر وعشرة أيام في أورشليم. وعمل الشر في عيني الرب. (أخبار الأيام الثاني 36 : 3)	أخبار الأيام الثاني 36 ملوك الثاني 24

الملك	الملخص	الدرس	الشواهد
		(9) يهوياكين ملك مع والده 10 سنين قبل ما يملك لوحده 3 شهور ... و للأسف ورث الشر عن والده و لم يُثب	
صدقيا بن يوشيا	• ملك 11 سنة • ده كان أكثر شراً و ماسمعش كلام إرميا النبي بل تمرّد على بابل و نجّس بيت ربنا • جه نبوخذ نصر و دقّر المدينة تماماً و قتل معظم الشعب، و سبى الأمراء و الشرفاء عبيد له في بابل (مرحلة 3#)	وعمل الشر في عيني الرب إلهه، ولم يتواضع أمام إرميا النبي من فم الرب. (أخبار الأيام الثاني 36 : 12) محاولة أخيرة قبل الدمار التام رفضها هذا الملك رغم صراخ إرميا النبي له بالتوبة	أخبار الأيام الثاني 36 ملوك الثاني 25



ملوك يهوذا (ج1) ملخص

أهم ملوك يهوذا (بعد تقسيم المملكة) حسب سفري الملوك و أخبار الأيام
الجزء الأول (من رجبعام ل أمصيا)

رجبعام ابن سليمان

أخبار الأيام الثاني 10 ل 12
ملوك الأول 12 و 14
ملك 17 سنة

انقسمت المملكة بسبب
سماعه لمشورة غير
حكيمة و دخل عبادة
الأوثان في يهوذا

عمل أخطاء رجبعام لكن
انتصر بقوة الله على
جيش يربعام رغم الفارق
العدي للجيشين

أبيّا ابن رجبعام

أخبار الأيام الثاني 13
ملوك الأول 15
ملك 3 سنين

آسا ابن أبيّا

أخبار الأيام الثاني 14 ل 16
ملوك الأول 15
ملك 41 سنة

بدأ بداية رائعة مع ربنا و
غلب في حربه ضد كوش
و قاد الشعب للتوبة ..
لكن في آخر أيامه قلّ
إيمانه و أتكاله على ربنا

يهوشافاط ابن آسا

أخبار الأيام الثاني 17 ل 20
ملوك الأول 22 و ملوك الثاني 3
ملك 25 سنة

ملك بار علّم الشعب
الشريعة و عيّن قضاة
أمناء و أكل على الله ..
لكنه صاهر آخاب أسوأ
ملوك إسرائيل

يسورام ابن يسورام

أخبار الأيام الثاني 21
ملوك الثاني 8
ملك 8 سنين

ملك شرير بسبب أمه
الشريرة .. قتله ياهو
القائد مع عائلة آخاب و
ملكته أمه 6 سنين بعد أن
قتلت أولاده ماعدا واحد

أخزيا بن يهورام

أخبار الأيام الثاني 22
ملوك الثاني 9 و 11
ملك سنة واحدة

سار في طريق الله و رّم
الهيكل طول فترة أبيه
الروحي (يهوياداع) ثم
ابتعد تماماً عن طريق الله
و مات غير مأسوف عليه

يوآش بن أخزيا

أخبار الأيام الثاني 23 و 24
ملوك الثاني 11 و 12
ملك 40 سنة

تبع الله، و لكن ليس من
كل قلبه .. بدأ مع ربنا لكن
سقط في عبادة أوثنان و
حرب مع إسرائيل خسرها

أمصيا بن يوآش

أخبار الأيام الثاني 25
ملوك الثاني 14
ملك 29 سنة

www.madraset-elshamamsa.com 1/2

أهم ملوك يهوذا (بعد تقسيم المملكة) حسب سفري الملوك و أخبار الأيام - الجزء الأول (من رجعم ل أمصيا)



ملوك يهوذا (ج2) ملخص

أهم ملوك يهوذا (بعد تقسيم المملكة) حسب سفري الملوك و أخبار الأيام
الجزء الثاني (من عزيا ل السبي)

عُزِّيَا ابن أمصيا

أخبار الأيام الثاني 26
ملوك الثاني 15
ملك 52 سنة

بعد بداية مستقيمة،
وصل إنه عايز ياخد خدمة
الكهنة و يرفع هو البخور
.. ربنا ضربه بالبرص حتى
آخر أيامه

يوثام بن عُزِّيَا

أخبار الأيام الثاني 27
ملوك الثاني 15
ملك 16 سنة

ملك بار و مشي في
طريق ربنا لكن كان فيه
مشكلة: إن الشعب كان
لسه بعيد عن ربنا

آحاز ابن يوثام

أخبار الأيام الثاني 28
ملوك الثاني 16
إشعيا 7
ملك 16 سنة

ملك ضعيف جبان خان ربنا
و دخل عبادة الأوثان في
يهوذا .. ربنا دفعه ليد
الشعوب المحيطة به،
فزاد خيانة لربنا

حزقيا بن آحاز

أخبار الأيام الثاني 29 ل 32
ملوك الثاني 19 و 20
إشعيا 36 ل 39
ملك 29 سنة

ملك بار رجّع الشعب لربنا
و عمل فصح عظيم و رجّع
الخدمة اليومية .. و انتصر
على أشور بقوة ربنا

أخبار الأيام الثاني 33
ملوك الثاني 21
ملك 55 سنة

كان شرير جدا و سبي إلى
أشور. هناك بعدما ذلّ تاب
توبة عظيمة و ربنا تمجدّ
معاه و رجع من السبي و
حكم في طريق ربنا

آمون ابن منسى

أخبار الأيام الثاني 33
ملوك الثاني 21
ملك سنتين

كان شرير (زي منسى في
بداياته) و لم يثب
حصلت فتنة عليه و اتقتل

يوشيا بن آمون

أخبار الأيام الثاني 34 و 35
ملوك الثاني 22 و 23
ملك 31 سنة

عمل إصلاحات روحية و
فصح عظيم و رقم بيت
ربنا .. لقي سفر الشريعة
و قرأه على الشعب و تاب
توبة عظيمة

السبي

أخبار الأيام الثاني 36
ملوك الثاني 24 و 25

المحطة الأخيرة بعد
ملوك أشرار:
(1) يهوآحاز بن يوشيا
(2) إيلياقيم (يهوياقيم) بن
يوشيا (مرحلة #1)
(3) يهوياكين ابن
يهوياقيم (مرحلة #2)
(4) صدقيا بن يوشيا
(مرحلة #3)

www.madraset-elshamamsa.com 2/2

أهم ملوك يهوذا (بعد تقسيم المملكة) حسب سفري الملوك و أخبار الأيام - الجزء الثاني (من عزيا ل السبي)

**يا إلهنا أَمَا تَقْضِي عَلَيْهِمْ، لِأَنَّهُ لَيْسَ فِيْنَا قُوَّةُ أَمَامِ هَذَا الْجُمْهُورِ الْكَثِيرِ الْآتِي عَلَيْنَا،
وَنَحْنُ لَا نَعْلَمُ مَاذَا نَعْمَلُ وَلَكِنْ نَحْوُكَ أَعْيُنُنَا**

أخبار الأيام الثاني 20 : 12

مشكلة كبيرة جداً لمملكة يهوذا: موآب وعمون و كذا شعب كمان جايين يحاربوهم
 هنا يبان الفرق بين يهوذا و بين آسا أبيه (اللي لها شاف حرب شديدة عليه اتصرف من
 دماغه و مااعتمدش على ربنا). يهوذا و موآب بصوم جماعي و صلاة مستمرة عشان ربنا يتحنن
 عليهم

صلاة فيها تسبيح لقوة ربنا و تذكيره بوعده لسليمان يوم بناء الهيكل إن شعبه لو طلبه ها
 يستجيب له

وجاءت الاستجابة من ربنا على لسان يحرثيل اللاوي: ربنا اللي هيحارب عنكم ... انتم بس اخرجوا
 للحرب و ربنا يعطيكم النصر

بعد كده جه دور الإيمان، لأننا بنلاقي الملك نزل الحرب و هو بيسبّح واثق من النصر ... و فعلاً ربنا
 هيّج الشعوب دي على بعض، و جه بنو إسرائيل لقوهم كلهم قتلى، و سلبوا غنيمتهم

نتعلّم إيه؟

شخصيات كتير جداً في ظروف مختلفة لكن هم نوعين في الآخر: اللي يمشي مع ربنا بقلب
 مستقيم يحفظ وصاياه و كلامه ده اللي بينجح و يعيش شعبه في سلام ... أمّا اللي يبعد
 عن سكة ربنا و يمشي زي بقية الشعوب في شهوات و كبرياء يفشل و يدخل في حروب
 و صراعات خاسرة و انحذار مستمر

🙏 يا رب خليني أتعلّم من شخصيات و سيرة الملوك دي: أسلك في طريقك بقلب كامل

3: ختام مفتوح

إصحاح 36 آية 22 و 23



الصورة من موقع BibleProject

- ينتهي الكتاب بعد 70 سنة لَمَّا تَوَلَّى الملك كورش الفارسي الحُكم، و سمح لليهود المسبيين بالعودة لأورشليم بجملة قصيرة ومقتضبة:

هكذا قال كورش ملك فارس: إن الرب إله السماء قد أعطاني جميع ممالك الأرض، وهو أوصاني أن أبني له بيتاً في أورشليم التي في يهوذا. فَن مِنْكُمْ مِنْ جميع شعبه، الرب إلهه معه و ليصعد

أخبار الأيام الثاني 36 : 23

- طبعاً العودة من السبي مشروحة أكثر في أسفار عزرا و نحميا ... لكن الكاتب كأن عينه على ملك ثاني هيبني هيكل جديد و يردّ البشرية كلها من سبي الخطية و يجعّهم في كنيسة واحدة: السيد المسيح

نتعلّم إيه؟

ربنا لا يفشل أبداً ... حتى بعد ما الشعب سبي ربنا في الوقت المناسب (بعد ما تابوا)
جعّهم ثاني

🙏 يا رب خلي عندي دائماً الرجاء ده في التوبة: مهما كانت حالتي وحشة، لو ثبت هاتردّني



المراجع 📖

- Bible Project
- فتشوا الكتب (أبونا داود لمعي)